



# QVÆSTIO MEDICA

An Fam. Caninæ Butyrosâ convenient.

AVSPICIIS 7.

PERILLVSTRIS ET REVERENDISSIMI DOMINI


D. MICHAELIS DOMINICI DE GARCIN

Insignis Ecclesiæ Sancti Desiderii Præcentoris,  
Academiæ Avenionensis Primicerii,  
Rectoris, Iudicis, & Privilegiorum Conservatoris:

Præside Nob. Viro D. D. ALEXANDRO DE SERREPVY Doctore  
Medico Aggregato, & Professore Primario & Botanico.

*Affirmativam tuebitur Nob. JOSEPHUS FYOT Martinianensis, Diocesis Augustodunensis;  
Artium Liberalium Magister, & jam dudum Medicina Studiosus.*

## PRO BACCALAUREATU




I.  
**V**ENTRICULUS vulgariter stomachus cibi potitionisque est receptaculum concoquendis cibis destinatum contrariis ac maximè inter se diversis morbis obnoxium, ita ut non solum nimia sensibilitate, nausea, eructatione, doloribus, vomitu, inflatione &c. Sed & cibi fastidio & insatiabili ejus appetitu infestetur. Immodicum illud comedendi desiderium etiam post assumpta copiosa alimentafamis caninæ vocabulo nominatur: dicitur etiam à Græcis *Boulimia*, quidam tamen famem caninam & boulimiam in hoc differre asserunt, quod in primâ multum appetatur, multum etiam comedatur. In secundâ vero multum appetatur & paucum comedatur. Quippè hanc subsequuntur aut alvi fluxus aut vomitus, ut Canibus accidit qui vomunt ut plurimum postquam se nimio cibo ingurgitarunt, istam autem nec vomitus nec alvi fluxus, sed animi deliquium, quo fit ut quamvis multa appetantur, ea tamen ob ingravescentem Lypothimiam facilcentibus viribus non comedantur. Ut ut sit nec vomitu nec alvi fluxu nec animi deliquio famem Caninam aliquoties stipari multi testantur auctores.

II.  
**I**n exquirendis hujusce morbi signis non immorabimur, quippe hic satis per se ipse dignoscitur. Causæ ejus procacitæ multæ recensentur, nimius scilicet acidorum salisumque usus, vinum acidum aut ex immaturis avis expressum, acetaria, mæror, tristitia, temperamentum melancolicum, diuturna mentis contentio, immoderate corporis evacuationes, menstruorum & hæmorrhoidum suppressio, aer maritimus, aliaque quibus sanguinis activa principia ita deprimuntur aut dissipantur ut salia nec arteri nec volatilisari queant, quin potius eadem ad majorem molem aucta majorem etiam impressionem excitent in fibris nerveis quibus tertia totius ventriculi tunica diversimode intertexta est. Constat etenim ex Legibus Mechanicis majorem esse magni quam parvi globuli plumbei in parietem projecti impressionem; cum itaque fames Canina sit appetitus auctus, & appetitus seu fames naturalis sit molesta sensatio in ventriculo commota quâ determinamur ad solidum appetendum, cum hæc excitetur à liquore acido-acri per glandulas ventriculi filtrato & separato qui tunicam nerveam vellicat & ista famis sensatio tamdiu dominetur donec prædictus liquor cum ingestis intimè misceatur, ipsorum massam velut spongiam subeat, & cum iis confusus ita misceatur, ut nullam possit irritationem commovere, si salia quibus turgit ob jam recensitas causas majorem molem acquisiverint, hæc nec ab ingestis subigi poterunt, nec demulceri, nec irretiri, sed sui juris facta, tunicam nerveam rigidissimis suis continuo lacerabunt aculeis, appetitus ciebur inexplabilem, vehementius in os superius ventriculi impingent, unde Lypothimia, quia prædictum os insignibus propaginibus nerveis ad cor excurrentibus munatum est. Cur autem famelici ingestos cibos ut plurimum evomant, ratio impromptu est vel eorum stomachus alimenterum copiâ & gravitate fatigatur & distenditur ita ut ea ferre nequeat, vel salium aculei nervos irritant, & concitatis præter modum spiritibus fibræ ventriculi in motus excretorios adiguntur.

III.  
**P**ROGNOSIN lathalem non statuimus absentibus præsertim vomitu, alvi fluxu & Lypothimiâ, secus autem si hæc ingravescant; curationem brevi absolvimus, venæ sectionem recusamus sicut & purgationem, hæc nihil ad humoris morbifici correctionem aut laxæ partis corroboracionem conferunt, ista majorem irritationem generi nervolo majoremque spirituum efferationem pariet. Salia salibus non debellanda, sed sulphuribus irritanda atque obvolvenda opinamur. Quid enim eorum scabrities, inæqualitas, rigiditas? Quid eorum aculei, & cuspides? Ubi hæc omnia tormentosis sulphurum particulis ita irriterentur, ita obvolventur, lenienturque ut immediato contactu in nervosum genus non poterunt agere. Sic videmus spirituum stygiarum vel aquarum fortium vim pinguedinosam, butyrosicam enervari: sic succorum stomachum alluentium prædictorum spirituum & aquarum indolem redolentium nervosum ventriculi tunicam rigidis quibus sciant salium aculeis pungentium famem caninam itumilancium ferociam omnem butyrosam, pinguedinosamque mitigandam ac demulcedam censemus. Quare

*Iure concludimus Fam. Canina butyrosa convenire.*



*Agitabitur in Aula Universitatis Avenionensis Die Decimâ nonâ Julij 1712. à septima usque ad non am.*